


Beibl i Blant yn cyflwyno

Geni Iesu



Awdur: Edward Hughes
Lluniau gan: M. Maillot
Alastair Paterson
addaswyd gan: E. Frischbutter; Sarah S.
Cyfieithydd: Catrin Roberts
Cynhyrchwyd gan: Bible for Children
www.M1914.org


BFC
PO Box 3
Winnipeg, MB R3C 2G1
Canada

©2020 Bible for Children, Inc.

Trwydded: mae gennych hawl i gopio neu argraffu'r stori hon,
ar yr amod nad ydych yn ei gwerthu.

1

Amser maith yn ôl, anfonodd
Duw yr angel Gabriel at Iddewes
ifanc o'r enw Mair. Dywedodd
wrthi, "Byddi'n cael mab, ac
rwyf i roi'r enw Iesu arno.
Bydd yn cael ei alw'n Fab y
Goruchaf.
Bydd yn
rheoli
am byth."



2

"Sut mae hyn yn bosib?" gofynnodd y ferch mewn syndod. "Does gen i ddim gŵr." Dywedodd yr angel wrth Mair y byddai'r plentyn yn dod oddi wrth Dduw, ac nid trwy dad dynol.



3

Yna dywedodd yr angel wrth Mair fod ei chyfnither Elisabeth yn cael babi er ei bod hi'n hen. Roedd hyn yn wyrth hefyd. Yn fuan wedyn aeth Mair i weld Elisabeth. Dyma nhw'n moli Duw gyda'i gilydd.



4

Roedd Mair wedi ei dyweddio gyda dyn o'r enw Joseff. Roedd Joseff yn drist pan glywodd fod Mair yn cael babi. Roedd e'n meddwl mai dyn arall oedd y tad.




5

Dywedodd angel Duw wrth Joseff mewn breuddwyd mai Mab Duw oedd y plentyn. Roedd angen i Joseff helpu Mair i ofalu am Iesu.



6


Fe wnaeth Joseff drystio Duw ac ufuddhau iddo. Fe wnaeth e hefyd ufuddhau i gyfraith gwlad. Oherwydd cyfraith newydd, aeth Joseff a Mair i dref teulu Joseff,



Bethlehem, i dalu eu trethi.

7

Roedd hi'n amser i Mair eni ei phlentyn. Ond doedd Joseff ddim yn gallu dod o hyd i lety yn unman. Roedd pob man yn llawn.




8

O'r diwedd cafodd Joseff le i aros mewn stabl. Cafodd Iesu ei eni yno. Fe wnaeth ei fam ei roi mewn preseb, cafn oedd yn dal bwyd yr anifeiliaid.



9


Heb fod yn bell i ffwrdd, roedd bugeiliaid yn edrych ar ôl eu defaid. Daeth angel Duw atyn nhw a dweud y newyddion da wrthyn nhw.



10

"Mae eich Achubwr wedi cael ei eni heddiw yn ninas Dafydd, ie, y Meseia. Yr Arglwydd. Dewch o hyd iddo yn gorwedd


mewn cafn bwydo anifeiliaid."



11

Yn sydyn, dyma filoedd o angylion llachar eraill yn dod i'r golwg, yn moli Duw ac yn dweud, "Gogoniant i Dduw yn y nefoedd uchod, a heddwch ar y

dddear islaw, a bendith Duw ar bobl."



12

Brysiodd y bugeiliaid i'r stabl. Ar ôl gweld y Babi, dyma nhw'n dweud wrth bawb beth oedd yr angylion wedi ei ddweud am Iesu.




13

Pedwar deg diwrnod wedyn, aeth Joseff a Mair â'r Iesu i'r deml yn Jerwsalem. Yno, dechreuodd dyn o'r enw Simeon ganmol Duw am anfon y Babi. Roedd hen wraig o'r enw Anna oedd yn gweithio i Dduw, hefyd yn diolch amdano.



14



Roedd y ddau yn gwybod fod Iesu yn Fab Duw, yr Achubwr roedd Duw wedi ei addo. Fe wnaeth Joseff aberthu dau aderyn. Dyma'r rhodd roedd Cyfraith Duw yn gofyn amdani pan oedd rhieni tlawd yn cyflwyno eu babi newydd i'r Arglwydd.


15



Ychydig amser wedyn, dyma seren arbennig yn arwain Dynion Doeth o un o wledydd y Dwyrain

i Jerwsalem. "Ble mae'r un sydd newydd gael ei eni i fod yn Frenin yr Iddewon? Rydyn ni eisiau ei addoli." medden nhw.

16




Clywodd y Brenin Herod am y Dynion Doeth. Roedd wedi ei gynhyrfu, a gofynnodd iddyn nhw ddweud wrtho os oedden nhw'n cael hyd i Iesu. "Rydw i am ei addoli hefyd," meddai Herod. Ond roedd e'n dweud celwydd - roedd Herod am ladd Iesu.

17



Arweiniodd y seren y Dynion Doeth i'r tŷ lle roedd Mair a Joseff yn byw gyda'r plentyn bach. Dyma'n nhw'n penlinio o'i flaen i'w addoli. Rhoddodd y teithwyr anrhegion drud o aur a phersawr i Iesu.


18



Cafodd y Dynion Doeth rybudd gan Dduw i fynd adref heb ddweud wrth neb. Roedd Herod yn flin iawn. Yn benderfynol o ladd Iesu, trefnodd y brenin drwg i ladd pob bachgen bach

ym Methlehem.


19



Ond doedd Herod ddim yn gallu niweidio Mab Duw! Wedi cael rhybudd trwy freuddwyd, aeth Joseff â Mair ac Iesu i'r Aifft er mwyn bod yn ddiogel.

20

Ar ôl i Herod
farw daeth Joseff
a Mair ac Iesu
yn ôl o'r
Aifft.



Aethon nhw i fyw
i dref fach Nasareth,
wrth ymyl llyn Galilea.

21

Geni Iesu

Stori o Air Duw, y Beibl

sydd i'w gweld yn

Mathew 1-2, Luc 1-2

"Pan ddatguddir dy air, bydd yn goleuo."
Salm 119:130

22

Y Diwedd

36



60

23

Mae'r stori hon o'r Beibl yn dysgu ni am ein Duw rhyfeddol.
Fe wnaeth ein creu ni, ac mae eisiau i ni ei adnabod.

Mae Duw yn gwybod bod ni wedi gwneud pethau drwg, beth
mae e'n galw'n bechod. Cosb pechod ydy marwolaeth, ond mae
Duw yn dy garu di gymaint nes ei fod wedi anfon ei unig Fab,
Iesu, i farw ar Groes, a chymryd y gosb am dy bechod di. Yna
daeth Iesu'n ôl yn fyw a mynd adref i'r Nefoedd! Os wyt ti'n
credu yn Iesu ac yn gofyn iddo faddau dy bechodau, mae'n
barod i wneud hynny! Bydd yn dod i fyw ynot ti nawr,
ac fe gei di fyw gydag E am byth.

Os wyt ti'n credu bod hyn yn wir, beth am ddweud hyn wrth
Dduw: Annwyl Iesu, rwy'n credu i ti ddod yn ddyn i farw dros
fy mhechodau, a dy fod ti'n fyw eto. Os gweli'n dda, tyrd i
mewn i'm bywyd. Maddau fy mhechodau i mi gael bywyd
newydd nawr, ac yna un diwrnod bod hefo ti am byth. Helpa
fi i fod yn ufudd i ti, a byw fel plentyn i ti. Amen.

Darllena'r Beibl, a siarad gyda Duw bob diwrnod! Ioan 3:16

24